

BOSNA I HERCEGOVINA
FEDERACIJA BOSNE I HERCEGOVINE
REGISTAR VRIJEDNOSNIH PAPIRA
U FEDERACIJI BOSNE I HERCEGOVINE

Na osnovu člana 51. Statuta Registra vrijednosnih papira u Federaciji Bosne i Hercegovine („Službene novine Federacije BiH“, broj 59/23), direktor Registra vrijednosnih papira u Federaciji Bosne i Hercegovine (u daljem tekstu: Registar), donosi:

O D L U K U

**o načinu računanja dva radna dana (T+2)
za izvršenje obaveza u postupku obračuna i poravnanja s vrijednosnim papirima u
2024. godini**

I

Ovom odlukom utvrđuje se način računanja dva radna dana (T+2) za izvršenje obaveza u postupku obračuna i poravnanja s vrijednosnim papirima, nastalih po osnovu pravnih poslova zaključenih na berzi ili drugom uređenom tržištu, a u skladu sa postupkom utvrđenim Uputstvom za poslove obračuna i poravnanja u okviru prijenosa vrijednosnih papira po osnovu poslova zaključenih na burzi ili drugom uređenom tržištu broj : 02-1-NO-32-14260/15 od 18.11.2015. godine.

Dva radna dana u smislu ove odluke (T+2) za izvršenje obaveza po osnovu pravnih poslova sa vrijednosnim papirima zaključenim na berzi i drugom uređenom tržištu, podrazumjeva naredna dva radna dana (T+2) od dana zaključenja pravnog posla, odnosno dan trgovanja (T) ne računa se u dva radna dana za izvršenje obaveza.

II

U radne dane u smislu ove odluke računaju se dani : ponedjeljak, utorak, srijeda, četvrtak i petak, a dani vikenda, odnosno subota i nedjelja i dani državnih i vjerskih praznika ne računaju se u radne dane, za izvršavanje obaveza iz tačke I ove odluke.

Ako niz od dva radna dana od dana zaključenja pravnog posla s vrijednosnim papirima na berzi ili drugom uređenom tržištu, prekidaju dani subota i nedjelja ili dani državnog i vjerskog praznika, u rok od dva radna dana ne uračunavaju se dani subota, nedjelja i dani državnog i vjerskog praznika, a u rok se uračunavaju naredni radni dani, koji dolaze iza dana koji se ne računaju u radne dane za izvršavanje obaveza iz stava 1. ove tačke.

Saglasno odredbi st.1. i 2. ove tačke u dva radna dana (T+2) za izvršenje obaveza iz pravnih poslova sa vrijednosnim papirima zaključenim na berzi i drugom uređenom tržištu za 2024. godinu ne računaju se:

- subote i nedjelje
- ponedjeljak 01.01.2024.godine državni praznik (Nova godina)
- utorak 02.01.2024.godine državni praznik (Nova godina)
- petak 01.03.2024.godine državni praznik (Dan nezavisnosti)
- ponedjeljak 01.04.2024.godine vjerski praznik (Uskrs)
- srijeda 10.04.2024.godine vjerski praznik (Ramazanski Bajram)
- srijeda 01.05.2024.godine državni praznik
(Međunarodni praznik rada)
- četvrtak 02.05.2024.godine državni praznik
(Međunarodni praznik rada)
- ponedjeljak 17.06.2024.godine vjerski praznik (Kurban Bajram)
- ponedjeljak 25.11.2024.godine državni praznik (Dan državnosti)
- srijeda 25.12.2024.godine vjerski praznik (Božić)

III

Ova odluka stupa na snagu danom donošenja, a objaviće se na web stranici Registra i dostaviti svim članovima Registra za sistem obračuna i poravnanja kao preporučena poštanska pošiljka.

Ovu odluku obavezni su da primjenjuju zaposlenici Registra i članovi Registra za sistem članstva obračuna i poravnanja.

Broj: 04-3-9542/23

Datum: 29.11.2023. godine



Direktor

Đure Obradović